



KERATAN AKHBAR DAN MEDIA ONLINE UNTUK MAKLUMAN :

**Y.B. MENTERI
Y.B. TIMBALAN MENTERI
Y.BHG. KSU
Y.BHG. TKSU (PDN)
Y.BHG. TKSU (PPP)
SETIAUSAHA AKHBAR**

5 SEPTEMBER 2022 (ISNIN)



KERATAN AKHBAR DAN MEDIA ONLINE (KPDNHEP)

5 SEPTEMBER 2022 (ISNIN)

Cakap-cakap sahaja tidak membantu - Alexander

Beri maklumat kartel ayam


Oleh **MOHD. FADHLI
MOHD. SULAIMAN**
fadhli.sulaiman@mediamula.com.my

PETALING JAYA: Kerajaan meminta orang ramai menyalurkan maklumat dan membuat aduan jika mengetahui ada pihak cuba mencatu bekalan ayam dalam usaha menaikkan harga melebihi harga siling RM9.40 sekilogram.

Bercakap kepada *Utusan Malaysia*, Menteri Perdagangan Dalam Negeri dan Hal Ehwal Pengguna (KPDNHEP), Datuk Seri Alexander Nanta Linggi berkata, bantuan daripada orang awam itu akan memudahkan kerajaan bertindak.

Katanya; ini termasuk mendedahkan maklumat terperinci terhadap 'kartel ayam' yang didakwa mencatu bekalan ayam bagi meningkatkan harga mentah ke paras RM11.

Menurutnya, 'cakap-cakap' bahawa ada usaha mencatu bekalan ayam dan meningkatkan harga di pasaran tanpa membuat aduan lengkap kepada pihak Kementerian tidak akan membantu pihaknya bertindak dengan lebih cepat.



MENCATU bekalan anak ayam didakwa antara usaha kartel untuk mengawal bekalan ayam, sekaligus memaksa harganya dinaikkan.

"Kalau sesiapa yang ada maklumat dan maklumat tersebut diyakini, maka tampillah membantu kerajaan supaya kita semua dapat bersama-sama

menyelesaikan dan membendung isu yang sudah lama berlaku ini.

"Kalau orang awam tidak tampil dan isu ini terus diungkit

sehingga mencetuskan sensasi, maka situasi di pihak Kementerian pula bertambah sukar. Kami mahu tahu dan lakukan sebaik yang kami mampu," katanya semalam.

Utusan Malaysia kelmarin melaporkan, kumpulan kartel masih berusaha mencatu bekalan ayam di pasaran bagi memaksa harga bahan mentah itu naik sehingga RM11 sekilogram dengan mengawal pengeluaran anak ayam kepada penternak.

Alexander berkata, pihaknya juga sudah berbincang dengan Suruhanjaya Persaingan Malaysia (MyCC) yang mempunyai bidang kuasa berhubung kepentingan sektor perniagaan dan pengguna.

"Selagi MyCC tidak membuat pengumuman kepada awam dan sebagainya, kami tidak membuat kenyataan rasmi yang mungkin bercanggah dengan prosedur suruhanjaya," katanya.

Katanya, Kementerian juga sentiasa menyemak sebarang kegiatan yang didakwa terlibat dalam aktiviti dan pencatutan harga selaras Akta Kawalan Harga Anti Pencatutan 2011.

Ketulenan emas untuk pelaburan meragukan

Oleh NURAINA HANIS ABD.
HALIM dan NURFARAHIN HUSSIN
utusannews@medianusa.com.my

PETALING JAYA: Mereka yang membeli emas untuk melabur dinasihat menyemak status ketulenan agar tidak menanggung rugi apabila ingin menjualnya kelak.

Sumber perbankan memberitahu *Mingguan Malaysia*, ini kerana tiada agensi khas yang mengawal selia dan boleh mengesahkan isi padu sebenar emas bar atau keping itu.

ber:
let:
seb:
UTUSAN Malaysia
4 September 2022.

7,916 premis diperiksa ketulenan emas

PETALING JAYA: Sebanyak 7,916 pemeriksaan dijalankan KPDN-HEP dalam tempoh tiga tahun sehingga 26 Jun lalu terhadap premis-premis emas bagi memastikan tidak berlaku isu penyelewengan emas di pasaran.

Bercakap kepada *Utusan Malaysia*, Pengarah KDNHEP, Azman Adam berkata, jumlah itu melibatkan sebanyak 2,293 premis pada 2020, 3,654 (2021) dan 1,969 premis sejak Januari hingga 26 Jun lalu.

Katanya, pemeriksaan itu dijalankan bagi memastikan premis-premis emas menjual emas yang tulen serta di bawah

standard ketulenan ditetapkan.

"Daripada pemeriksaan dilakukan, 25 kes diambil tindakan dalam tempoh itu iaitu 12 kes (2020), tujuh (2021) dan enam kes pada tahun ini," katanya ketika dihubungi semalam.

Azman berkata, ini bagi memastikan premis mematuhi Peraturan-Peraturan Perihal Dagangan (Artikel-Artikel Yang Dibuat Daripada Logam Berharga) 1994 di bawah Akta Perihal Dagangan 2011.

Jelas beliau, antara kesalahan yang adalah pelanggaran berhubung perihal dagangan palsu yang menunjukkan standard

ketulenan artikel-artikel yang dibuat daripada logam berharga dan berkaitan resit.

"Resit yang dikeluarkan kepada pembeli perlu mengandungi nama, alamat pembekal, harga dan berat logam, harga dan berat artikel, kos pembuatan dan bahagian-bahagian artikel yang dibuat daripada suatu logam berharga yang bertlainan standard ketulennannya.

"Syarikat atau individu yang gagal mematuhi mana-mana peruntukan di bawah Peraturan-Peraturan Perihal Dagangan (Artikel-Artikel Yang Dibuat Daripada Logam Berharga) 1994

boleh dikenakan denda tidak melebihi RM25,000 bagi pertubuhan perbadanan manakala bagi individu didenda tidak melebihi RM10,000 atau penjara tidak melebihi setahun atau kedua-duanya sekali," ujarnya.

Utusan Malaysia melaporkan, mereka yang membeli emas untuk melabur dinasihatkan menyemak status ketulenan agar tidak menanggung rugi apabila ingin menjualnya kelak ini kerana tiada agensi khas yang mengawal selia dan boleh mengesahkan isi padu sebenar emas bar atau keping itu.

Polis rampas diesel bernilai RM41,710

Kuantan: Polis merampas 19,400 liter minyak diesel dianggarkan bernilai RM41,710 dari sebuah premis di Kawasan Perindustrian Semambu, di sini yang dipercayai dijadikan stor simpanan kegiatan penyelewengan bahan bakar itu, petang kelmarin.

Pemangku Ketua Polis Pahang, Datuk Abd Razak Mohd Yusoff, berkata kegiatan itu terbongkar hasil risikan selama tujuh hari yang membawa kepada penahanan

16 lelaki warga tempatan berusia 18 hingga 65 tahun, termasuk seorang yang dipercayai pemilik stor itu.

"Serbuan bermula jam 4.10 petang semalam (kelmarin) oleh pasukan Ibu Pejabat Briged Tenggara Pasukan Gerakan Am (PGA) dan Batalion 7 PGA ke atas sebuah lori dinaiki dua suspek di Jalan Perindustrian Semambu yang menemukan dua tangki berisi diesel.

"Ia seterusnya membawa kepada serbuan bersama pasukan

Kementerian Perdagangan Dalam Negeri dan Hal Ehwal Pengguna (KPDNHEP) Pahang di stor itu dan terdapat 38 tangki dengan 34 daripadanya berisi diesel antara 200 hingga 900 liter setiap satu," katanya dalam kenyataan, di sini semalam.

Abd Razak berkata, turut dirampas tiga lori, kereta (enam), set pam penyedut dan hos (dua), generator elektrik (satu), resit pembelian minyak diesel dari pelbagai stesen

minyak (81 keping), telefon bimbit (16) dengan nilai keseluruhan rampasan sebanyak RM582,550.

Semua suspek diserahkan kepada KPDNHEP untuk siasatan lanjut mengikut Seksyen 21 Akta Kawalan Bekalan 1961 kerana memiliki barang kawalan tanpa lesen dan boleh didenda tidak lebih RM1 juta atau penjara tidak lebih tiga tahun bagi kesalahan pertama, jika sabit kesalahan.

BERNAMA

Kegiatan itu terbongkar hasil risikan selama tujuh hari yang membawa kepada penahanan 16 lelaki warga tempatan berusia 18 hingga 65 tahun



Abd Razak Mohd Yusoff,
Pemangku Ketua
Polis Pahang

Kegiatan seleweng diesel tumpas

Seramai 16 lelaki
tempatan ditahan
untuk siasatan lanjut

Oleh NIK AMIRULMU'MIN
NIK MIN
KUANTAN

Briged Tenggara Pasukan Gerakan Am (PGA) berjaya membongkar kegiatan seleweng diesel bersubsidi hasil serbuan ke atas sebuah stor di Kawasan Perindustrian Semambu di sini pada Sabtu.

Hasil serbuan bersama Batalion 7 PGA, seramai 16 lelaki tempatan berusia 18 hingga 65 tahun ditahan untuk siasatan lanjut kerana disyaki terlibat dalam kegiatan tersebut.

Pemangku Ketua Polis Pahang, Datuk Abd Razak Mohd Yusoff berkata, turut ditemui dan dirampas 19,400 liter diesel ber-

nilai lebih RM41,000; 40 unit tangki (RM60,000), tiga buah lori (RM85,000), enam buah kereta (RM313,500), set pam penyedut dan hos (RM22,800), generator elektrik (RM46,000) dan 16 telefon bimbit (RM13,540).

Menurutnya, anggaran keseluruhan nilai rampasan lebih RM582,000.

"Kejayaan membongkar kegiatan tersebut hasil risikan dan intipan pihak PGA selama seminggu.

"Bertindak atas maklumat, sepasukan pegawai dan anggota Briged Tenggara PGA bersama Batalion 7 PGA berjaya mengesan lori mencurigakan dinaiki dua lelaki di Jalan Perindustrian Semambu 9 di sini sebelum kenderaan itu dipintas dan ditahan untuk pemeriksaan lanjut.

"Pemeriksaan ke atas lori tersebut membawa kepada penemuan dua tangki berisi 1,800 liter diesel tanpa sebarang dokumen berkaitan pemilikan bahan bakar itu," katanya dalam



Sebahagian tangki berisi diesel cuba diseleweng yang dirampas susulan serbuan ke atas sebuah stor di Kawasan Perindustrian Semambu pada Sabtu.

kenyataan pada Ahad.

Abd Razak berkata, hasil soal siasat dua suspek telah membawa dan menunjukkan pasukan serbuan ke sebuah stor di kawasan perindustrian itu sebelum menahan 14 individu termasuk pemilik stor.

"Pemeriksaan lanjut dilakukan bersama pegawai

Kementerian Perdagangan Dalam Negeri dan Hal Ehwal Pengguna (KPDNHEP) Pahang menemui bekalan diesel yang dipercayai cuba diselewengkan bersama barang rampasan lain.

"Pemilik stor gagal mengemukakan permit dan lesen sah penyimpanan barang kawalan daripada KPDNHEP," katanya.

Semua suspek kini diserahkan kepada KPDNHEP untuk siasatan lanjut di bawah Seksyen 21 Akta Kawalan Bekalan 1961 kerana memiliki barang kawalan tanpa lesen yang boleh dihukum denda tidak lebih RM1 juta atau penjara tidak lebih tiga tahun bagi kesalahan pertama, jika sabit kesalahan.

Sindiket seleweng diesel tumpas

KUANTAN – Satu sindiket penyeludupan diesel bersubsidi tumpas selepas 16 suspek ditahan bersama pelbagai barangan dan kenderaan bernilai RM582,550 dalam satu serbuan di kawasan Perindustrian Semambu di sini semalam.

Pemangku Ketua Polis Pahang, Datuk Abdul Razak Mohd. Yusoff berkata, dalam serbuan kira-kira pukul 4.10 petang itu, polis merampas 19,400 liter diesel bernilai RM41,710.

“Hasil intipan, polis menahan sebuah lori dipandu seorang lelaki bersama seorang kelindan dan pemeriksaan lanjut dalam lori menemui dua

tangki diesel berisi 1,800 liter diikuti satu serbuan di sebuah stor di Kawasan Perindustrian Semambu selain berjaya menahan 14 individu.

“Pemeriksaan lanjut menemui 34 tangki disyaki berisi diesel dianggarkan berjumlah 20,400 liter,” katanya di sini semalam.

Tambahnya, polis turut merampas tiga buah lori, enam buah kereta, dua set pam penyedut minyak, empat tangki petak kosong, satu unit generator elektrik, 81 keping resit pembelian minyak diesel dan 16 unit telefon bimbit dengan nilai keseluruhan RM582,550.



ANTARA tangki berisi minyak diesel yang berjaya dirampas dalam satu serbuan di Kawasan Perindustrian Semambu, Kuantan semalam.

19,400 litres of diesel seized, 16 arrested

KUANTAN: The police seized 19,400 litres of diesel worth RM417,710 and arrested 16 individuals in a raid at a premises in the Semambu Industrial area, which is believed to be used as a store, on Saturday.

Pahang acting police chief Datuk Abd Razak Mohd Yusoff said the raid was conducted following a seven-day surveillance.

Prior to the raid, he said, the Brigade Tenggara and Battalion 7 of the General Operations Force (PGA) intercepted a lorry, which was carrying two tanks of diesel, at Jalan Perindustrian in Semambu.

This then led the police, together with a team from the Penang enforcement branch of the Domestic Trade and Consumer Affairs Ministry to raid the store where they found 38 tanks, 34 of them contained between 200 and 900 litres of diesel each.

Razak said police also impounded three lorries, six cars, and seized suction pumps, two hoses, one electric generator, 81 receipts for the purchase of diesel from different petrol stations and 16 mobile phones.

All the suspects, aged between 18 and 65, have been handed over to the ministry for investigation under Section 21 of the Control of Supplies Act. —Bernama

Permintaan tinggi peniaga kecil punca telur kurang

Beberapa pasar raya hadkan pembelian akibat masalah dapatkan bekalan

Oleh Omar Ahmad
bhnews@bh.com.my

Johor Bahru: Permintaan dan penggunaan telur ayam yang tinggi dalam kalangan peniaga dan usahawan kecil dipercayai menjadi antara faktor kekurangan bekalan telur di daerah ini sejak dua minggu lalu.

Keadaan itu dipercayai berlaku berikutan perniagaan, termasuk perusahaan kecil dan sederhana (PKS) kembali bernafas dan menerima tempahan tinggi susulan pembukaan sepenuhnya ekonomi, selain sempadan Malaysia-Singapura.

Tinjauan di beberapa pasar raya besar di daerah ini mendapati, pembelian telur ayam dihadkan kepada dua atau lima papan untuk setiap pembelian.

Pengusaha kuih bahu Mahanoum, Shahrilnizam Mohamed, berkata agak sukar baginya un-

tuk memperoleh bekalan telur gred A dengan jumlah 22 papan sehari.

Beliau berkata, bekalan telur agak berkurangan di beberapa kedai, pembekal dan pasar raya di daerah ini sejak beberapa minggu lalu.

"Masih boleh dapatkan telur 30 biji sepapan, tetapi agak sukar untuk pembelian yang banyak. Sebelum ini saya hanya perlu ke dua pasar raya atau kedai untuk memenuhi keperluan membuat bahu.

"Dulu saya guna telur gred A sahaja, sekarang ini apa telur yang dijual asalkan gred A, AA dan B semua saya ambil sebab sukar untuk dapatkan bekalan.

"Kalau ke pasar raya besar, memang tiada stok telur gred A dan sudah dua minggu saya terpaksa pergi ke empat hingga lima kedai untuk mencukupkan bekalan telur bagi membuat kuih bahu," katanya yang berniaga di Larkin Sentral.

Kena pergi beberapa kedai

Peniaga kek kukus, Mohd Zulfaqr Ulwan, turut mengakui sukar mendapatkan bekalan telur.

"Agak sukar sebab dalam seminggu saya perlukan lima papan telur. Mahu dapatkan lima papan pun kena pergi dua hingga tiga tempat," katanya.



Rak telur di sebuah pasar raya kelihatan kosong selepas bekalan telur sekitar Johor Bahru berkurangan.
(Foto Omar Ahmad/BH)

Pengurus Besar Econsave, Mas Imran Adam, berkata kebanyakan cawangan pasar raya itu berdepan masalah kekurangan bekalan telur ayam.

"Beberapa cawangan pasar raya kami turut mengalami kekurangan bekalan telur ayam sejak beberapa bulan kebelakangan ini.

"Pesanan dibuat seperti biasa, contohnya satu cawangan memesan 1,000 papan telur ayam, namun pembekal hanya menghantar

sekitar 300 papan. Saya tidak tahu kenapa, tetapi pembekal memaklumkan bekalan telur ayam memang sedikit ketika ini," katanya.

Pengarah Kementerian Perdagangan Dalam Negeri dan Hal Ehwal Pengguna (KPDNHEP) Johor, Hairul Anuar Bohro, ketika dihubungi berkata tiada isu membabitkan kekurangan bekalan telur di sekitar bandar raya ini melalui semakan yang dilakukan.

Senarai Harga Barang Keperluan		Telur Gred A		Gula Pasir		Cili Merah	
Ayam	RM8.39	Telur Gred A	RM13.05	Gula Pasir	RM2.85	Cili Merah	RM12
Daging Lembu Tempatan	RM44.29	Ikan Kembung	RM7.99	Bawang Besar-Holland	RM2.99	Kubis Bulat Tempatan	RM3.20
Daging Lembu Import	RM53.90	Minyak Masak	RM6.70	Bawang Putih	RM5	Tepung Gandum	RM2.60

*Harga (RM/kg) Sumber: KPDN/HEP



KERATAN AKHBAR DAN MEDIA ONLINE (BERITA UMUM)

05 SEPTEMBER 2022 (ISNIN)



Alexander (kanan) bersama Tarmizi, Deva, Siok Choo dan Tunku Rozani berkongsi kisah pada program 'Merdeka Istimewa - Cerita Daripada Bapa Pengasas Kita' di Kuala Lumpur, semalam. (Foto BERNAMA)

Satukan rakyat fokus perjuangan tokoh terdahulu

Anak, cucu pemimpin kemerdekaan berkongsi kisah, pesanan untuk jadikan panduan

Oleh Tuty Haryanti Ahmad Rodzi
blnews@bh.com.my

Kuala Lumpur: 'Anang Malaysia sebaka tebu, manis di pun, tabar di ujung'.

Ungkapan bahasa Iban bermaksud 'Malaysia jangan jadi seperti tebu, manis di hujung tetapi kurang manis di pangkal' itu menjadi pegangan Tun Datuk Patinggi Temenggung Jugah Barieng berperanan besar sebagai antara tokoh yang menggerakkan penubuhan Malaysia pada 1963.

Kali pertama berkongsi cerita mengenal datuk yang digelar Akik, Menteri Perdagangan Dalam Negeri dan Hal Ehwal Penggunaan, Datuk Seri Alexander Nanta Linggi, mengakui pesanan itu kekal menjadi pegangannya sehingga kini.

"Saya sentiasa ingat pesanan Akik kerana bimbang jika ia menjadi kenyataan. Sudah tentu saya tidak mahu Malaysia menjadi begitu pada masa depan," katanya.

Beliau berkata demikian selepas program 'Merdeka Istimewa - Ce-

rita Daripada Bapa Pengasas Kita' anjuran Khazanah Nasional di Taman Tugu, di sini, semalam.

Turut berkongsi kisah adalah anak bekas Timbalan Perdana Menteri, Tun Dr Ismail Abdul Rahman, Tarmizi; anak kepada antara pengasas kemerdekaan, Tun VT Sambanthan, Deva Kunjari; cucu seorang lagi tokoh kemerdekaan, Tun Tan Cheng Lock, Datin Paduka Tan Siok Choo dan cucu bapa kemerdekaan, Tunku Abdul Rahman, Tunku Rozani Putra.

Alexander berkata, datuknya bercita-cita tinggi dan tahu apa yang perlu dibuat dalam hidupnya, terutama untuk rakyat Sarawak.

"Akik pentingkan perpaduan dan hingga kini, Sarawak mempunyai pelbagai kaum dan etnik yang hidup aman tanpa masalah.

"Ini kekuatan kami sejak sekian lama. Sejak dahulu, jika datuk ke luar daerah yang mengambil masa berjam-jam, kami akan menumpang tidur di rumah kawannya tanpa mengira kaum.

"Saya tahu impian datuk kerana saya rapat dengannya sejak kecil, berbanding dengan ibu bapa sendiri," katanya.

Antara nasihat datuknya yang kukuh tersemat dalam ingatan Alexander ialah supaya sentiasa berbuat baik kepada sesiapa sahaja dan jangan menyimpan prasangka.

Sementara itu, Tarmizi berkongsi kisah bapanya meninggal dunia ketika beliau berusia 13 tahun dan mengakui Dr Ismail meletakkan rakyat mendahului keluarga.

"Kami faham dengan tugas bapa dan seluruh keluarga terutama ibu sentiasa memberi sokongan.

"Bapa sentiasa mahukan kesaksamaan dari dulu dan tidak mengerti mengapa perlu ada perbezaan," katanya.

Tolong semua bangsa

Deva yang juga anak tunggal Sambanthan, mengenang mendiang bapanya sebagai seorang yang komited dengan tugas.

"Bapa menolong tanpa mengira masa, malah kerap mempelawa rakyat yang dalam kesusahan tinggal bersama kami sekeluarga.

"Malam sebelum meninggal dunia, bapa sempat memberi sejumlah wang kepada orang yang kesusahan," katanya.

Siok Choo mengingati mendiang datuknya, Cheng Lock sebagai insan yang suka menanam pokok getah dan sentiasa membaca.

"Apa yang saya tahu, mendiang datuk amat sukakan pantun malah digelar lebih Melayu daripada orang Melayu kerana kegemarannya itu," katanya.

Menjadi legasi bapa kemerdekaan, Tunku Rozani berkata, datuknya mementingkan negara dan meletakkan 75 peratus keuntungan kepada tanah air.

"Datuk saya tidak suka bercerita banyak mengenai kerja dan politik kepada ahli keluarga. Walaupun sibuk, beliau sentiasa ada masa untuk rakyat dan selesai dengan sesiapa pun, malah dasar 'pintu rumah terbuka' membolehkan rakyat datang memohon pertolongan," katanya.